

Сурврмудин болн хэрү өглгънă асхн

Башантад, райкомин пропагандин болн агитацин анъгин, района библиотекин кодлачрин нилчар, механизацин училищин клубд сурврмудин болн хэрү өглгънă асхн болв.

Райкомин пропагандин болн агитацин гардач үр Алексеев, эн асхна тускар, энүнă диг-дарана тускар цăалгъдж келв.

Эн асхн гучад дунтгă сурвр цăалгъгдв, тер сурврмуд дунд йиртмджин кецин, эмчин, философск, юридическ, геган-герлин, худ-гүүлганă болн бăадл-джиргълин туск сурврмуд гарв.

«Сарин тускар мана номтирт юн темдгăв?», «Йиртмджит бұклднь залдж чадх аргъ гүн ном олдж чадхий?», «Күн ю ухалдж бăахинь меддж болхий?», «Күн ю ухалдж бăахинь меддж болхий?» гидг сурврмудт Башантан дундин школин физикин преподаватель Санджи Барвеневич Утнасунов йир сян, амр медгх, цăалгъвр-тă хэрү өгв.

Эмчин халхар сұл цагин дилвр-

мудин тускар, тер дотр хирургин халх ном делгртин тускар района эмнлгънă герин ах эмч. РСФСР-н ачта эмч Анна Григорьевна Форост келдж өгв. Зүркенд, оошкд, сушнд, толгъан экнд кегдг эмнлгънă тускар Анна Григорьевна сăанар цăалгъдж медүлв.

«Күүнă хұв гисн — юмб, тинм хұв бăадв аль угав, терүнд иткдж болхий?» гидг сурврт үр Алексеев хэрү өгв. Сурврмудт хэрү өглгънд райпотребсоюзин ахлач үр Анисимов, олн амтнă заргъч үр Фесенко, райисполкомин ахлачин дарук үр Поречный, геган-герлин анъгин гардачин дарук Пономаренко, ВЛКСМ-н райкомин сеглатр Сафонов болн нань чигн улс орлцв.

Эн асхн амтнд йир икәр таасгдв. Болв ним асхниг цуг сурврмуд болгъар, кел уга, шишлнъ сурврмудт хэрү өгдгәр кехлă, тер сурврмуд бас чигн сăанар хагългддж, цăалгъгдх бăасмн.

И. ЧЕРНОЛАС.